

## EG 24 uff Schwäbisch: Vom Hemml komm i her en d'Welt

Melodie: Martin Luther 1539; Schwäbischer Text: Albrecht Häcker 2018



1. Vom Hem - ml komm i her en d'Welt, i breng a  
Gschicht, die eich gwieß gfällt; dia Gschicht isch nei on  
schee on guat. I seng on sag: Se macht eich Muat.

2. Gebora isch a Kendle heit. A wirklich jonge Frau sich freit, / dass sie dr Herrgott ausgewählt hat. Des Kendle brengt sei Liab on Gnad.
3. Des Kend isch s'Chrischkend, onser Gott, als onser Herr fiehrt's aus dr Not, / s'will Heiland sei fir älle Welt on Schuld wegemma, wia's Gott gfällt.
4. Bass uff, wia du des Kend erkennsch: em Kripple on en Wendla fensch / es liega. Isch's au no so kloï - s'wird d'Welt erretta, macht ons frei.
6. Drom seng on danz wia uff em Ball, gang mit de Hirta en dr Schdall, / on gugg die schee Bescherung oo: bet oo des Kend, vreh den Moo!
15. Lob onsern Herrgott en seim Thron, er hot ons gschenkt sein bsondra Sohn. / Dia Engel sengat laut em Chor on wenschat ons a guats neis Jahr.

## EG 27 uff Schwäbisch: Ihr Chrischda, guggat

Melodie: Nikolaus Herman 1554; Schwäbischer Text: Albrecht Häcker 2018



1. Ihr Chrisch - da, gug - gat ä - le nuff on



lo - bat em - mr - zua: Dr Herr - gott macht sein



Hem - ml uff on schenkt ons heit sein Bua, on



schenkt ons heit sein Bua.

- Der kommt grad von seim Vadder her / on wird a wenzichs Kend, des mr ganz nackich on vrquer / dort emma Krippe fend, dort emma Krippe fend.
- Sei Herrlichkeit, dia lesst r los, wird a ganz kloiner Moo, grad wia an Knecht, so gar net groß, wo er doch ällas koo, wo er doch ällas koo.
- Des gibt an Dausch, den glaubt mr net: Er wird a Mensch wia mir. Sei Näh zu Gott, dia er hot ghet, dia gibt er ons drfir, dia gibt er ons drfir.
- Er wird zom Knecht, i werd an Herr, des soll vrschdeah, wer koo! So freindlich koo bloß s'Chrischkend sei, komm mit on frei di droo, komm mit on frei di droo.
- Dia Dür zom Paradies war zua, heit wird dr Durchgang frei. Dr Engl lesst sei Schwert en Ruah. Lob Gott – er lesst ons nei, lob Gott – er lesst ons nei!

## EG 37 uff Schwäbisch: I schdand am Krippe

Melodie: Johann Sebastian Bach 1736; Schwäbischer Text: Albrecht Häcker 2019



1. I schdand am Kripp - le on - derm Schdern: Du,  
I komm on breng on schenk dir gern was



1. Je - sus, bisch mei Le - ba! Mein Geischt, mei Den - ka  
du mir z'erscht hosch ge - ba.



on mein Muat, mei Herz, mei Seel on



äl - las Guat: Nemms oo on lass dr's gfal-la!

2. I war no gar net uff dr Welt, doo bisch du fir mi komma. Du hosch mi gseh, di zu mir gschdellt, on mi fir di eignomma. Bevor du mir hosch s'Leba gschenkt / hosch du ganz lang scho fir di denkt, wia du mei Freind kennschd werda.
3. En mir war ällas donkle Nacht, noo isch dei Sonn uffganga. Se bringt mir Glick on Freid on macht, dass i dir will oohanga. On en deim Licht fang i glei oo / zom glauba, was i glauba koo: Du schdrahsch mir als mei Sonne!
4. I gugg di oo, frei mi an dir, koo gar net gnuag noogugga, on bet di oo, schdand an dr Dür, on koo mi net vrdrugga. Ach, wär mei Denka on mei Senn / viel greeßer als i's koo on ben, noo kennascht en mir wohna!
9. I hoff, mei Heiland, dass i di / werd emmr en mir bhald, on bitt di herzlich, dass du mi / wirsch emmr bei dir halda. I dät so gern dei Krippe sei, komm, komm, on leg di en mi nei – du bisch mei Freid firs Leba!

## EG 48 uff Schwäbisch: Komm, Hirt vom Feld

Melodie: Olmütz 1847; Schwäbischer Text: Albrecht Häcker 2018



1. Komm, Hirt vom Feld, komm, du  
Gug - get des her - zi - ge



1. Frau on du Moo. S'Chrischt - kend, dr Hei - land,  
Bua - le doo oo.



isch heit ge - bo - ra, s'brengt Heil on See - ga,



d'Angscht goht vr - lo - ra. Kom - mat zom Kend!

2. Horchat, was d'Engl dort draußa em Feld  
de viele Hirta voll Freid hen erzählt:  
S'Kend wird en d'Welt dr Frieda neibrenga,  
noo kennat d'Leit sich freia on senga:  
Lob onsern Gott!
3. Lassat ons gugga em ärmlicha Schtall,  
was mr doo gheert hen mit himmlischam Schall.  
Was mr doo fendat, wellat mr saga,  
wellat's laut senga, en d'Welt neitraga.  
Halleluja!

# EG 540 uff Schwäbisch: Schdern ibr Bethlehem

Melodie: Alfred Hans Zoller 1964; Schwäbischer Text: Albrecht Häcker 2018

F g<sup>7</sup>/F F g<sup>7</sup>/C c<sup>7</sup>

1. Schdern ibr Beth - le - hem, zeig ons dr Weg,  
d<sup>7</sup> g d a<sup>7</sup>

der ons zom Krippe brengt, zeig ons, wo's schdeht!  
g<sup>7</sup> a<sup>7</sup> B<sup>ma</sup>7 c<sup>4</sup> 3

Schdrahl mit deim hel - la Licht, bis mr dort send.  
d g<sup>7</sup> B/C F

Schedern ibr Beth - le - hem, breng ons zom Kend!

2. Schedern ibr Bethlehem, jetzt semmr doo,  
on guggat elle des Wonder doo oo,  
des doo bassiert isch. Dr Herrgott hot's gmacht,  
Schedern ibr Bethlehem, en heilger Nacht.
3. Schedern ibr Bethlehem, s'Ziel isch erreicht,  
on s'gibt fei nix, was dem arma Schdall gleicht.  
Du hosch ons herb brocht – doo dankat mir schee,  
Schedern ibr Bethlehem, on s'fehlt nix meeh.
4. Schedern ibr Bethlehem, mir miaßat zrick,  
abbr dei hellr Schei bleibt ons em Blick.  
On was mr gseah hen, des tragat mr fort,  
Schedern ibr Bethlehem, en onsern Ort!